

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 38 (1952)

Artikel: Sigl ur : Tilo
Autor: [s.n.]
DOI: <https://doi.org/10.5169/seals-882200>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 24.05.2025

ETH-Bibliothek Zürich, E-Periodica, <https://www.e-periodica.ch>

natira ei allerta. Utschals contan in laud solemn al Scaffider dil di, fluras bitschadas dals radis dil tschiel engrazian en colurs ed odurs al grond benefactor. Tin Granit stat enschanuglias, l'egliada drizzada encunter las muntognas della patria. Tras las tschemas dils ruvers antics suna Boreas in choral imposant en stil modern, in choral de fiasta, fiasta della levada.

Sigl ur

(Tilo)

Matg

Jeu vivel de miu fatg
ina veta bandunada
Tut anetg per mei sesarva
ina porta. — Ina viarva
mei dedesta sc' in cametg.

In' egliada cara, fina
tucc' il cor. — Ed in ed ina
nus passein sur prau e prada
en odor e glisch de matg.

In di

Sulegl envida
in di, in niev.
Siu aur el svida
sur tuts, sco ier.

O glisch innocenta!
Ti plais a mi,
ti spusa naschenta
de mintgadi!

Destin?

Duas ga per di
entaup' jeu tei
Ti vargas mei,
e nuot depli.

Sto finadin
vargar, untgir?
Ei nies destin
mo in svanir? — —

In' unda

In' unda fleivla mo, eis ti
carstgaun
el maun
dil creatur
che meina tei
da notg e di!

Sco l'unda vegn, e sco 'la va,
vegn ti
in di;
cu gl'ei tiu tur
ti stos puspei
tut bandunar!

Oz ni damaun!

En feglia e caglia
carsina, termaglia
il vent culla flur,
che dat la splendur
al di primavaun.

Las floccas — sco neiv —
bufatg spella seiv
setschantan ei ina
sper l' outra, — perina
sco nus sin il baun.

Mo ina scurlada
suletta, — curdada
gia munta e mort. —
Quei ei tia sort
ded oz ni damaun!

En fossa

Aunc quater palas tratsch ed ina crusch
de paupradad. — Gl' ei fatg! Emporta strusch
tgei lenn ch' ei leu fitgaus per inagada
sul tgau puccont e sia sort vargada.

Buc in schemer e buc in pass dil mund
ti audas pli. Negin! Ruaus profund
cuviera il santeri e la bara
zugliada oz en nera, freida tiara.

Sche dorma, dorma dis e meins ed onns!
Ei vegn in di. El vegn! E pigns e gronds
de tuts ils temps comparan en lezz' ura
cun tei avon il tron dil sogn Parsura.